

滿城縣志略

第五册

地/30.25

42

部二 5

滿城縣志略卷之十三



人物四

名宦

漢

張蒼高帝時定律例敷章程攻燕有功封爲北平侯食邑於此詳見史漢本傳

元

張柔字德剛定興河內里人少儻不羈善騎射尙氣節以豪俠稱金貞祐間河朔盜起柔聚族黨保西山以自衛盜不敢犯中都經略使苗道潤表其才授定興令累擢至昭毅大將軍權元帥左

卷十三

人物 名宦

一

都監行元帥府事元兵出紫荆口柔率所部逆戰於狼牙嶺馬蹶被執遂以衆降太祖還其舊職得以便宜行事柔招集部曲下雄易保安諸州徙治滿城因署官吏定立教條勸民修治耒耜樹藝桑麻民始免饑寒之憂而知有生之樂至元四年進封蔡國公年七十九卒詳見元史本傳及王磐所撰神道碑

胡郁字仲文廣平肥鄉人成宗時任政尙簡靜催徵賦稅無事鞭扑惟以誠懇諭民自不愆期聽斷明敏他邑之訟有久不決者批至公立判曲直莫不歎服在任三年政化大洽縣立遺愛碑祀名

宦詞

李守中字正卿潁人也公明廉正泰定初任荒歉之餘一以休養

生息爲務復業者四百餘戶聽訟惟開陳勸諭不事誅罰有兄弟以資產訟者公道以天倫至親遂感泣罷訟在任五年陞戶部主事縣立去思碑

張信字子孚河間樂陵人元統癸酉任明習吏事上下悅服爲立去思碑

賈屋字伯堅梁臺人博學能文尤長於詩爲縣主簿歲餘尹尉相繼去公獨署縣事明敏果斷吏莫敢欺歲饑民多流移賦稅累及存者公言於府減糧五百餘石修堤堰以息水患省部以官馬下郡府而秣之郡則給於縣滿城獨倍他邑公言於府分之使均境內有盜公捕之罪止首惡餘皆省釋其他善政不可殫述歷官兵

卷十三

人物 名宦

二

部郎中縣立去思碑

崔敬字行簡鎮陽人至元七年任勞來勸課勤於撫字數年之間境內大治

完顏識理翰山東夏津人至正五年任存心平恕政務公勤尤刻意於學校製儒衣修祭器時皆稱之

明

林棐洪武初任公署壇社多所建修

王禮山東諸城人由監生永樂九年任性耿介民有犯不稍寬假興利除弊百廢俱舉在任四年賢聲大著祀名宦祠

王義字宜時夾江人正統間任興學勸農政平俗美

李永芳字廷寶陝西涇陽進士天順年任公平廉愛涖政八年政化以治擢監察御史

李思明字康晦山東濟寧進士成化十一年任敢暴禁奸保安善類剔利弊拯困抑革無益之科停不急之徵三年材能茂著政教大治陞南京戶部主事士庶咸頌其德

張濬字宗舜山西代州進士成化十七年任拊循民瘼爲之制田里教樹蓄或犯法憫其無知開陳勸諭俾歸善道尤嘉意學校文風爲之一振臺部交薦擢雲南道御史

稅新字伯明四川南溪進士成化二十二年任爲政和易民多思之陞饒州府同知

卷十三

人物 名宦

三

劉曉字象乾陝西安定進士宏治中任政平訟理擢雲南道監察御史

潘鏜字宗節六安州進士宏治中任下車之日建書舍二十餘間集諸生於中嚴督講究一時文物彬彬稱盛城垣頽圯乘農隙增修堅完以邑小賦民重力困踏白之上官均徭薄稅值亢旱寢食不安祈禱於雷溪雨即滂沱鋤豪強培良善飭公署修橋梁惠德洽民剛明服吏百姓勒碑頌德祀名宦祠

金山字仲山河南夏邑進士宏治中任興學校建尊經閣優厚生儒傳經校藝士風振起鋤強扶弱吏畏民懷任滿陞六安州知州歷官僉憲有去思碑

辛吉號一菴山東兗州府金鄉舉人嘉靖十一年任適值歲祲民多流移公拊循民瘼以惠養生息爲急寬刑緩徵多所招撫又邊關多事師旅往來疲於供應公爲節省休民不悅上以希寵譽在任五年豪強斂迹境無拾遺陞南京戶部主事去之日行李蕭然人皆稱爲廉吏

申九峯山東恩縣舉人隆慶五年任政事嚴明操守方正修葺學宮建鄉賢名宦祠革弊除奸合境肅然後陞州牧

張曉河南洛陽舉人萬歷三年任政尚寬和心存慈恕陞霸州州牧

侯大節河南汲縣進士萬歷二十一年任心行公平風裁峻慍甫

卷十三

人物 名宦

四

下車因民苦供應首減騶從夫馬申革斗級草脚凡徵額稅差不及鄉納不取羨輸納者爭後先焉至於積倉穀撫流移修學宮清徭役尤爲民所銜感建有生祠在縣南門外

趙完璧山東濟南肥城人由選貢萬歷二十四年任賦性純篤蒞政忠誠催科不擾倡修縣志士頗重之

冀懋中字鉉樞河南上蔡進士萬歷壬子任值歲祲賦繁役苦民多流移公極意拊循之越二年政治民和乃振興學校捐俸改建明倫堂禮聘名賢纂修縣志士氣文化胥有賴馬尋擢授河南刑部主事

張其實字冲一山西蒲州進士萬歷二十七年任甫下車問民疾

苦噢咻備至鋤豪抑暴平賦寬徭雪冤獄剔驛蠹造就人材躬臨
考課士風爲之一變捐俸置學田百畝助資膏火並增賓興名額
鼓舞觀光之士期月間政聲懋著後調蠡縣以循良第一擢授吏
曹士民思之爲建祠立碑

張珍字名席山東蓬萊人由貢選天啓三年任丰采端凝以儒術
爲吏治創建玉川書院以資教課人文蔚起庶政休明後陞山海
關通判邑人爲之樹碑以志不忘

清

馬上及字翰羽山西永和人由貢生順治十六年任崇大體守廉
介講學勸農寬徵清役在任二年憂樂同民因按法治旗罷職歸

卷十三

人物 名宦

五

時囊篋蕭然邑人遮道泣送

余允光字論山江西奉新舉人順治十八年任值亢旱公齋戒步
禱疏已罪者六民可矜者四以告神甘澍立降爲政嚴平撫字之
餘繼以訓督尤加意學校擇諸生才賢者館而餐之以示鼓勵慮
貧民子弟廢學於城鄉堡集建義學書舍凡十四所各置義田俾
給館師薪米使無力讀書者皆得肄業其中士民大悅在滿七年
卒於任民皆痛哭如喪所親柩還遠近皆掛紙焚錢以送之祀名
宦祠邑人張璫作歌以頌其詞曰我行其野彼黍離離我有田疇
余公置之建學立師俾民不迷我有子弟余公誨之融融化日樂
我耕桑粒我烝民惠我無疆絃歌四起伊誰之功德造在堂如見

我公父兮生我母兮鞠我惟我余公父我母我嘉粟旨酒是烝是
享願我籩豆滿人之將

裴國禎滿洲籍山西人由官學生簡任勤政愛民修葺學宮重建
尊經閣俾多士朝夕肄業其中補修縣署僅令不失舊址勿飾美
觀又以縣志殘缺集邑賢士蒐羅編輯之捐資劖劓在任六年百
廢俱舉士民懷之

朱元春字爾袞福建莆田人由舉人謁選滿城性至孝迎母侍養
入則承歡膝下出則綜理簿書勸農桑減賦役振簿俗惠窮民巡
撫沈公器重之時大兵出征運餉口外特遣侯行以濟軍食縣故
有常平積貯公以歲歉悉出貨民使秋收還倉民不苦饑粟無朽

卷十三

人物 名宦

六

腐公私兩便歲以爲常康熙三十七年聖祖幸五臺山道由滿城
值大雨命發縣中積粟給旗兵而倉貯適空無以應詰之曰以歲
儉散民間矣詰奉何文曰若待文則嗷嗷者轉溝壑矣上聞而喜
之竟無所給而去三十九年巡撫李公以治狀薦授監察御史士
民爲立去思碑歲時猶攜菓菜饋京師不絕

李玉堂字翰升江西建昌人康熙三十八年由恩貢選任以恤民
力變士風戢豪強舉廢墮爲己任縣係西南孔道往來徭役頗煩
陘陽驛站並無額設車輛夫役及解送罪盜人犯往往累及居民
公爲詳請上憲俾往南者自清苑逕送慶都往北者自慶都逕送
清苑滿邑村莊概不接送立碑大路永絕擾累由是居民得甦息

焉在任四年日無廢事入祀名宦祠

張煥字寄園浙江山陰人康熙甲申春由明經任仁恩優渥稱爲衆母尤以提倡文化爲要務捐俸置義田百餘畝命老成諸生董之收歲入爲三年秋試諸生行李之資又以方順橋官道十五里秋夏之交泥濘難行籌費修築道旁徧植楊柳時人比之甘棠在任九年陞順德府漳河同知去之日邑人泣送雍正九年終於家禹祥年字履情河南汜水人雍正五年由廩貢任勤政愛民自奉淡泊日用所需悉按民價以給時奉旨縣立先農壇公相址於南關外計工授值吏胥不擾先是民欠纍至二千餘緡追比波累殆無虛日公申請緩徵未准公遣人歸里鬻田爲民墊償雖古廉吏

卷十三

人物 名宦

七

有所不能及後卒於官士民悲號如失怙恃立石以誌遺愛子殿鰲解元任至黃州知府

孫緒祖字于萬山東歷城進士爲人直諒不以察察爲明宰南樂正定有善政雍正辛酉秋調任滿城縣地旗民錯居號難治公書一聯於堂曰仕學原一塗切勿失本來面目旗民雖雜處只須存平等心腸凡有控訴者必推情度理秉公剖斷無畸輕畸重之見故訟至輒決甲子夏旱公步禱一畝泉齋宿三夕得雨人以爲虔誠所感滿城田賦僅七千金民多貧乏公留心撫字不忍以催科擾之然額徵亦竟無缺未嘗受下考乾隆十年畿輔興水利有白草金線二河工甚鉅公晝夜往來河干鉤稽指畫匠作夫役素懷

恩德莫不踴躍從公功成竟得疾不起士民哀之公性儉樸厨中每日僅肉一觔爲幕友饌自奉蔬食巡歷各鄉僅一車一馬隸役二三人筐筥中預儲鹽鼓餅餌饑則啖之不受紳民一飯其廉介也如此

張主敬字子安貴州貴筑人丙子進士光緒九年選任時境內有篝火之異謠言四起鄉民一夕數驚公下車先後捕獲積匪劉保和朱五點等正法鄉民遂安是年暑雨積旬縣城崩圯數十丈公集城鄉紳耆勸募修補至今賴之公以儒術爲治雅好文學月課諸生親自校閱正課而外復增加課獎勵詩歌雜體又時赴各鄉義塾親爲兒童講授以故士知嚮學民安其業境內大治任滿調署定興去之日士民遮道泣送數里外

卷十三

人物 名宦

八

郭文燾字種萱安徽合肥人由附貢生光緒十九年選任善聽訟案無留滯甲午中東之役征調甘陝兵過境供給驛站夫馬措置得當居民不擾庚子拳匪仇教愚民趨附公厲行禁止境無拳民以故聯軍入境免受騷擾德兵駐境八閱月公集地方紳耆設局支應凡所需用皆由官籌備絲毫不擾及民蓋強敵在境苟非權以濟變則禍至不可問矣去任紳民爲立德政碑在南關外吳烈字亮叔河南固始人由經濟特科光緒三十二年選任風裁峻厲士民畏服時學堂初創風氣不開公下車以興學爲務折廢廟改義塾提取公產充作各小學經費一時輿論譁然公毅然不

顧成立鄉小學五十餘處擇取塾師優者傳習新學委充教員又因大覺寺舊址改建高小校舍百餘間滿城學校當時遂爲各縣冠宣統元年調任定興因忤於巨室罷職士論惜之

流寓

漢

王譚少負氣節秉性忠義王莽篡位譚義不肯從與其子五人元才顯才益才仲才季才避難於此築城以居

唐

張說字道濟或字說之其先世居范陽幼讀書滿城抱陽山後徙居河南洛陽更爲洛陽人永昌中武后策賢良方正說所對第一

卷十三

人物 流寓

九

玄宗時召爲中書令封燕國公朝廷制誥多出公手與許國公蘇頲齊名同稱大手筆詳見新舊唐書本傳

郝經字伯常其先山西潞州陵川人家世業儒隨父思溫避地河南後徙滿城寓鐵佛寺讀書爲守帥張柔賈輔所知延爲上客元世祖召經諮以經國安民之道條上數十事大悅遂留王府世祖即位以經爲翰林侍讀學士使宋爲賈似道拘留儀真十五載始歸年五十三歲諡文忠其在儀真時有繫帛詩云霜落風高恣所如歸期回首是春初上林天子援弓繳窮海孤臣有帛書詳見元

史本傳

清

李秉衡字鑑堂奉天海城人性抗直尙氣節以知縣累遷至廣西巡撫適值法越之戰公率師與法兵戰於鎮南關外大敗之越南國王來歸方擬進兵而和議成越南竟歸法有公積不平尋以病乞休光緒辛卯寓居滿城之江城鎮時鎮民韓瞎虎等爲鄉里害公設法除之鄉民懷德壬辰八月徙居城內甲午春詔公爲安徽巡撫旋改授山東巡撫中日之役督師煙台未幾陞四川總督辭不就回滿丙申奉詔爲長江巡閱使庚子拳匪之亂聯軍犯畿輔詔公帶武衛軍拒敵畿南七月公率兵迎戰黃村死之

方外

元

卷十三

人物

方外

十

苑至果縣西渝河人號悟真子元丙申歲尋幽訪寂寓葛洪山漆峪裏禮江月蔡師密授玄微之旨探薇而食斲木而衣壽九十於至元十三年十二月十八日蘭湯沐浴改換新衣謂衆曰酉正初刻吾去矣遂作頌曰來而空手來去而空手去一脚踏虛空却還蓬萊路又作跌頌以別大衆曰人間九十年歸去塵緣斷雖有戀衆心恐失朝元伴時及酉初刻儼然端坐拈筆出一詩曰九十年來瘦鶴姿紅鉛黑汞煉多時塵凡懵懂誰人識飛上青天任所之人以爲仙

蔡真人號湛然賢臺社人母王氏感夢而生六歲始能言戒行甚嚴太安初聞長春邱真人即恭詣之口授真訣遂得悟道元帥張

柔領軍治滿城以狀奏之賜真人湛然江月之號年五十九卒有江月集數十卷行於世翰林學士王鶚爲之碑

釋通義住錫城內大覺寺戒行嚴謹精練有法頓悟禪理有偈云
皂幡參訪我家禪末後心安始是圓悟得身中無價寶隨緣等施
利人天世以爲有道僧

明

慧漆俗姓于縣淦河村人修寂於城北村一小菴中絕嗜欲薄煙霞一心以勸善濟人爲本四方供奉者甚衆輒囊施之嘗曰來時空手來去時空手去識得一禪機何必營營利壽百餘歲

卷十三

人物 方外

十一

